

Na osnovu člana 5. stav (4) Zakona o obrtu i srodnim djelatnostima ("Službene novine Federacije BiH", broj 35/09) i čl. 19. i 20. Zakona o organizaciji organa uprave u Federaciji BiH ("Službene novine Federacije BiH", broj 35/05) federalni ministar razvoja, poduzetništva i obrta, na prijedlog kantonalnih ministarstva nadležnih za oblast obrtništva **d o n o s i**

P R A V I L N I K

o vezanim obrtima i srodnim djelatnostima koje se mogu obavljati sezonski

Član 1. (Sadržaj)

Ovim pravilnikom propisuju se obrtničke i srodne djelatnosti koje se mogu obavljati sezonski.

Član 2. (Vrijeme obavljanja)

Obrtničke i srodne djelatnosti se mogu obavljati sezonski, najduže 9 (devet) mjeseci unutar jedne kalendarske godine.

Član 3. (Popis djelatnosti)

Sezonski se mogu obavljati slijedeće djelatnosti:

Brojčana oznaka prema KD – u	Naziv djelatnosti
A/01.11	Uzgoj žitarica i drugih usjeva i zasada
A/01.12	Uzgoj povrća, cvijeća, ukrasnog bilja i sadnog materijala
A/01.121	Uzgoj gljiva, sakupljanje šumskih gljiva ili tartufa
A/01.13	Uzgoj voća i grožđa, koštunjavog voća i biljaka za pravljenje napitaka i začina
A/01.252	Uzgoj i sakupljanje žaba, puževa, glista i dr.
A/01.4	Uslužne djelatnosti u biljnoj proizvodnji, uređivanje zelenih površina
A/01.413	Ostale poljoprivredne usluge: priprema zemljišta, redovna obrada usjeva i zasada, zaprašivanje usjeva i zasada, uključujući i zaprašivanje iz zraka, obrezivanje voćaka i vinove loze, presađivanje riže, prorjeđivanje repe i dr., žetva, berba i priprema biljnih proizvoda za tržište, uništavanje štetočina (uključujući glodare), obrezivanje drveća i šišanje živica, uslužno pečenje plodina, iznajmljivanje poljoprivrednih mašina sa rukovaocem i poljoprivrednim radnicima
A/02.012	Iskorištavanje šuma, ali samo izvlačenje šumskih sortimenata putem životinja i uslužno pilanje drveta

B/05.01	Ribolov (ulov ribe na moru, ulov ribe na rijekama i jezerima)
B/05.02	Uzgoj ribe
DA/15.130	Proizvodnja proizvoda od mesa i mesa peradi (na tradicionalan način) - proizvodnja sušenog, soljenog ili dimljenog mesa (prirodna cirkulacija vazduha) - proizvodnja mesnih prerađevina: kobasice, salame, krvavice i džigernjače, salfalade, bolonjske kobasice, kuhane svinjske kobasice, paštete, kuhana šunka, mesni sokovi i dr.
DA/15.200	Prerada i konzerviranje ribe i proizvoda od ribe
DA/15.310	Prerada i konzerviranje krompira
DA/15.320	Proizvodnja sokova od voća i povrća
DA/15.330	Prerada i konzerviranje voća i povrća
DA/15.410	Proizvodnja sirovih ulja i masti
DA/15.6	Proizvodnja mlinskih proizvoda, skroba i proizvoda od skroba, isključivo na tradicionalan način u vodenicama
DA/15.930	Proizvodnja vina (grožđe)
DA/15.940	Proizvodnja jabukovače i vina od ostalog voća
DB/17.52	Proizvodnja užadi, konopaca, pletenica i mreža – na tradicionalan način
DB/17.541	Proizvodnja pozamanterije (samo ručnim radom) - proizvodnja uzanih tkanina, uključujući i tkanine na osnovi bez potke, sastavljenih pomoću ljepljivih materijala - proizvodnja ukrasnih predmeta: pletenice, rese, pomponi i dr. - proizvodnja tila i drugih mrežastih tkanina ili čipke u komadima i trakama ili u motivima vezenih tkanina.
DB/17.70	Proizvodnja pletenih i kukičanih proizvoda (samo ručnim radom): čarapa, uključujući sokne; pulovera, jakni, prsluka i sl. proizvoda; spoljašnje odjeće; ostalih kukičanih i pletenih proizvoda i pribora; vezenje narodnih nošnji i drugih vezenih proizvoda
DD/20.51	Proizvodnja ostalih proizvoda od drveta (samo ručnim radom) • drvene drške i dijelovi za alat, metle, četke i dr. • drveni kalupi za obuću i drvene vješalice • drveni pribor za kuhinjsku upotrebu; zidni i stojeći stalci za odijela i šešire • drvene statue i ukrasi, intarzije od drveta • drveni sandučići i kutije za nakit, pribor za jelo i slični proizvodi • drvene špule, poklopci, bobine, kalemovi za konac i slični proizvodi od struganog drveta
DD/20.52	Proizvodnja predmeta od pluta, slame i pletarskih materijala (samo ručnim radom)
DD/20.521	Proizvodnja predmeta od pluta (samo ručnim radom) - prerada prirodnog pluta i proizvodnju predmeta od pluta. - proizvodnja proizvoda od prirodnog i aglomeriranog pluta
DD/20.522	Proizvodnja predmeta od slame, pruća i drugih pletarskih materijala (samo ručnim radom) - proizvodnja pletenica i proizvoda od pletarskih materijala. - proizvodnja korparskih proizvoda i pletarske robe.
DE/21.250	Proizvodnja ostalih proizvoda od papira i kartona, (samo ručnim radom) (izrada sjenila za svjetiljke od papira, kartona i sl. materijala)
DG/24.630	Proizvodnja eteričnih ulja, proizvodnja ekstrakta iz prirodnih aromatičnih proizvoda
DH/25.24	Proizvodnja ostalih proizvoda od plastičnih masa (samo ručnim radom) IZRADA SJENILA ZA SVJETILJKE OD PLASTIKE
DH/25.25	Proizvodnja ostalih keramičkih proizvoda, oslikavanje figura i drugih ukrasnih keramičkih predmeta
DI/26.13	Proizvodnja šupljeg stakla (samo ručnim radom) Slikanje na staklu i kristalu, boce, čaše i ostali proizvodi za domaćinstvo

DI/26.15	Proizvodnja i obrada ostalog stakla, uključujući i tehničke staklene proizvode (samo ručnim radom) - Izrada staklenih sjenila za svjetiljke
DI/26.21	Proizvodnja keramičkih predmeta za domaćinstvo i ukrasnih predmeta (samo ručnim radom) Proizvodnja stonih keramičkih proizvoda i drugih keramičkih proizvoda za domaćinstvo ili toaletne svrhe osim za ugrađivanje Proizvodnja statua i drugih ukrasnih predmeta od keramike.
DI/26.66	Proizvodnja ostalih proizvoda od betona, cementa, gipsa i umjetnog kamena (samo ručnim radom) Proizvodnja ostalih proizvoda od betona, cementa, gipsa i umjetnog kamena: statue, predmeti s plitkim i visokim reljefom, ukrasne posude, žardinijere i dr.
DN/36.220	Proizvodnja nakita i sličnih predmeta
DN/36.40	Proizvodnja sportske opreme – ručna izrada Proizvodnja predmeta i sprava za sportove i igre na otvorenim ili zatvorenim terenima: <ul style="list-style-type: none"> • tvrde i meke lopte i lopte na napuhivanje • reketi, štapovi i palice za golf • skije, vezovi i štapovi za skije • daske za jedrenje • rekviziti za sportski ribolov, uključujući i mreže • rekviziti za lov, alpinizam i dr. • sportske rukavice od kože i sportske pokrivke za glavu • bazeni za plivanje, dječji bazeni i dr. • klizaljke, koturaljke i dr. • lukovi i strijele • oprema za gimnastičke i fitnes centre, oprema za atletiku i dr.
DN/36.50	Proizvodnja igara i igračkaka (samo ručnim radom) - proizvodnja lutki i odjeće i pribora za lutke - proizvodnja igračkaka u obliku životinja
DN/36.61	Proizvodnja imitacije nakita (bižuterije), (samo ručnim radom)
DN/36.62	Proizvodnja metli i četki (samo ručnim radom) - proizvodnja metli, slikarskih četkica i četki, četki s resama - proizvodnja četki za odjeću i obuću
DN/36.63	Proizvodnja ostalih raznovrsnih proizvoda, (samo ručnim radom) - proizvodnja suncobrana i kišobrana, štapova za šetnju, bičeva i korbača, dugmadi, kopči (drikera), patentnih zatvarača, nitni, čičak zatvarača i sl. - proizvodnja žigova za datiranje, pečačenje ili numeriranje, ručnih aparata za otiskivanje natpisa, garnitura za ručno tiskanje, pripremljenih traka za pisaće strojeve i jastučića za žigove - proizvodnja predmeta za ličnu upotrebu: lule za pušenje, češljevi, šnale i dr.; mirisne prskalice; termos-boce i drugi sudovi za upotrebu u domaćinstvu - proizvodnja perika, umjetne brade, umjetnih obrva i dr. - proizvodnja vrtuljaka, ljuljaški, streljana i drugih predmeta za razonodu - proizvodnja svijeća, svijećnjaka, voštanica i dr. - proizvodnja umjetnog cvijeća, voća i grana s lišćem, predmeta za šalu i zagonetki, krojačkih lutki i dr. - djelatnosti vezane za prepariranje i punjenje životinja.
F/45.1	Pripremni radovi
F/45.2	Visokogradnja i niskogradnja, izgradnja kompletnih objekata ili njihovih dijelova
F/45.3	Instalacioni radovi
F/45.4	Završni radovi
F/45.5	Iznajmljivanje opreme za izgradnju ili rušenje, s rukovaocem

G/52.74	Usluge popravaka i održavanja ostalih proizvoda od drveta: drški, dijelova za alat, metla, četaka, kalupa za obuću, vješalica, pribora za kuhinju, vješalica za odijela i šešire (zidnih i stojećih), figurica, ukrasa, intarzija, sanduka, kutija za nakit, pribora za jelo i sl. proizvoda, špula, poklopaca, bobina, namota za konac i sl., tokarskih proizvoda od drveta.
I/60.230	Prevoz putnika zaprežnim vozilima (fijakerom)
I/61.100	Pomorski saobraćaj i saobraćaj u priobalnim morskim vodama: prevoz čamcima za ekskurzije, kružna putovanja ili obilaski; iznajmljivanje brodova i čamaca s posadom; iznajmljivanje brodova za zabavu, sa posadom
I/61.200	Saobraćaj unutrašnjim vodenim putevima: iznajmljivanje jahti i čamaca za zabavu, sa posadom
K/71.220	Iznajmljivanje sredstava za prevoz vodenim putevima - iznajmljivanje i operativni lizing sredstava, u komercijalne svrhe, za prevoz vodenim putevima kao što su komercijalni čamci i brodovi, bez rukovaoca.
K/71.310	Iznajmljivanje poljoprivrednih strojeva i opreme bez rukovaoca
K/71.320	Iznajmljivanje mašina i opreme za građevinarstvo bez rukovaoca
K/71.400	Iznajmljivanje predmeta za ličnu upotrebu i domaćinstvo: čamci za zabavu, bicikli, sportska oprema
K/74.401	Priređivanje sajmova
K/74.700	Čišćenje dimnjaka, kamina, peći, šporeta, peći za spaljivanje otpada, kotlova, ventilacionih i ispušnih uređaja i dr.
M/80.410	Djelatnost škola za vozače: obuka za stjecanje dozvola za upravljanje brodovima koje nemaju karakter profesionalnih dozvola
O/92.330	Vašarske djelatnosti i djelatnosti zabavnih parkova
O/92.340	Ostale zabavne djelatnosti: djelatnost škola za ples i učitelja plesa, djelatnost cirkusa, lutkarske predstave, rodea, pokrivena strelišta, vatrometi, modeli željeznica i dr.
O/92.61	Djelatnost skijaških centara i skijališta
O/92.62	Ostale sportske djelatnosti: djelatnost marina, djelatnost škola za sport i rekreaciju, djelatnost škola za jahanje, sportsko-rekreativni lov i ribolov, ostale srodne uslužne djelatnosti.
O/92.720	Ostale rekreativne djelatnosti: djelatnost rekreativnih parkova i plaža, uključujući i iznajmljivanje objekata kao što su svlačionice, ormari, ležaljke i dr; iznajmljivanje vozila za rekreaciju kao što su bicikli, plovila na nožni pogon, konji za jahanje, automobili za djecu i dr.
O/93.020	Frizerski i drugi tretmani za uljepšavanje (masaža lica, manikiranje, pedikiranje, šminkanje...) (u objektima sezonskog karaktera)
O/93.040	Djelatnosti za poboljšanje fizičkog stanja i raspoloženja: aktivnosti za popravljivanje fizičke kondicije ili relaksaciju, koje pružaju turska kupatila, saune i parna kupatila, solariji, saloni za mršavljenje i masažu i dr.
O/93.050	Ostale uslužne djelatnosti: djelatnost čistača cipela, nosača, čuvara parkirališta, vratara i dr.; djelatnost za mjerenje težine, mjerenje krvnog tlaka i sl.

Član 4. **(Uslovi za obavljanje)**

(1) Djelatnosti iz člana 3. ovog pravilnika koje se obavljaju u poslovnim ili stambenim prostorijama, te izvan poslovnih i stambenih prostorija, moraju se obavljati u skladu sa uslovima propisanim Zakonom o obrtu i srodnim djelatnostima i odgovarajućim podzakonskim propisima.

- (2) *Fizičko lice može obavljati djelatnosti iz člana 3.ovog pravilnika ako pored opštih ispunjava i posebne uslove za obavljanje određene djelatnosti.*
- (3) *Djelatnosti iz člana 3. ovog pravilnika mogu se obavljati sezonski ako su evidentirane kroz upis promjene u Obrtnom registru opštinskog, odnosno gradskog organa nadležanog za oblast obrtništva.*
- (4) *Osim djelatnosti iz člana 3. ovog pravilnika, sezonskim djelatnostima se smatraju i druge djelatnosti koje se ne obavljaju tijekom cijele godine.*

Član 5.
(Kontrola uslova)

Kontrolu uslova iz člana 4. ovog pravilnika, u skladu sa članom 14. Zakona o obrtu i srodnim djelatnostima, provodit će nadležne inspekcije.

Član 6.
(Usklađivanje postojećih pravilnika)

Kantonalni, gradski i opštinski propisi kojima su propisani vezani obrti i srodne djelatnosti koje se mogu obavljati sezonski uskladit će se sa odredbama ovog pravilnika u roku od 90 (devedeset) dana od dana stupanja na snagu ovog pravilnika.

Član 7.
(Stupanje na snagu pravilnika)

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

Broj : 08 – 02 – 447/09
Mostar, 14.09.2009. godine

Ministar
Velimir Kunić, s.r.